



Pandemija ostavlja veliki trag na ekonomiju i stanovništvo

Mnogo je građana BiH bez prava na rad

Ombudsmeni Bosne i Hercegovine Ljubinko Mitrović, Jasminka Džumhur i Nives Jukić uputili su čestitku građanima BiH povodom Prvog maja te istakli da pandemija Covid-19 ima veliki utjecaj na ekonomiju i radnike.

- Broj otpuštenih radnika, naročito iz privatnog sektora, i dalje je nepoznat javnosti, dok su oni koji obavljaju radne zadatke na poslu na različite načine izloženi infekciji, od čljih posljedica su, nažalost, neki i stradali, ističu Ombudsmeni BiH.

Upozoravaju na to da veliki broj građana ove zemlje ne ostvaruje pravo na rad.

- I danas veliki broj građana BiH nema priliku da ostvari

jedno od osnovnih ljudskih prava, a to je pravo na rad, što je i povod da Ombudsmeni i dalje prate ostvarivanje prava građana u ovoj oblasti, stoji u saopštenju Ombudsmena BiH.

Čestitku povodom Prvog maja uputili su predsjednik i potpredsjednik Skupštine Brčko distrikta BiH Siniša Milić i Ivo Filipović.

- Prvi svibnja nas podsjeća na našu ljudsku, altruističnu prirodu da poštujemo rad i radnika, da stvaramo stabilno ekonomsko okruženje, a samim tim i bolju budućnost za sve nas, te da primjenjujemo zakone i druge pravne akte koji regulišu ovu oblast, navodi se u tekstu čestitke.